



ՀԱՅԲԱՊԵՏԱԿԱՆ ՀԱՆՐԱՊԵՏՈՒԹՅԱՆ ՍՈՒՐԲ ՊԱՏԱՐԱԳ ՄԱՅԻՐ ՏԱՀԱՐՈՒՄ

Օգոստոս 12, կիրակի:

Այսօր Ս. Աստվածածնի Վերափոխման տոնն է, համաժողովրդական մեծագույն տոներից մեկը, որը Մայր Աթոռում տոնվում է բացառիկ հանդիսությամբ և ավանդական շուքով:

Ուխտի օր է նաև այդ օր, մանավանդ մեր հավատացյալ ու բարեպաշտ մայրերի ու քույրերի համար, որոնց սրտերը ջերմ նվիրումով կապված են Ս. Աստվածածնի անվան ու կյանքի հետ: Ս. Աստվածածնի տոնը դերազանցապես հավատավոր կնոջ, նվիրված մոր տոնն է:

Եկեղեցին շարունակ աղաչում, խնդրում է «Մայր Սուրբ սրանչի խոստն», և աղոթում՝ «Աղաչեա վասն մեր զառ ի քէն զմարմնացեալն Աստուած... զի լոնսցին պատերազմունք, դադարեցին յարձակմունք թշնամեաց, տնկեցի սէր և արդարութիւն ի յերկրի»:

Այսպիսի սուրբ խոհերով և խնդրվածքներով այսօր էլ, Աստվածածնի Վերափոխման տոնին, Մայր Աթոռ ուխտի է եկել մայրաքաղաքից, շրջաններից, եղբայրական հանրապետություններից բարեպաշտ ուխտավորների մի հսկա բազմություն, ավելի քան 10.000 հոգի, և լցրել Տաճարը, բակը, շրջակայքը: Ժամը 11-ն է: Զվարթագին ղողանջում են Մայր Տաճարի զանգակները՝ ուխտավորներ-

րին հրավիրելու հայրապետական հանդիսավոր սուրբ պատարագի:

Վեհափառ Հայրապետը, ղգեստավորված, եկեղեցական թափորով, ամպհովանու տակ, աղոթքով ու խնկով, սաղմոսներով, խաչով ու խաչվառով իջնում է Տաճար, ճանապարհին օրհնելով բազմահազար ուխտավորներին: Տոնականորեն զարգարված Մայր Տաճարում պաշտվում է հանդիսավոր հայրապետական սուրբ պատարագ: Երգում է Մայր Աթոռի երգչախումբը: Ամենայն Հայոց Հայրապետը վերացած, բազկատարած, աղոթում է Իր հոտի համար:

Ամեն կողմ աղոթք, մրմունջ, խունկ ու վեհություն:

Ս. Պատարագի ավարտից հետո ուխտավորները ճաշակ են առնում Վեհափառ Հայրապետի ձեռքից:

Ապա Վեհափառ Հայրապետի հանդիսադրությամբ կատարվում է Տաճարում խաղողի ավանդական օրհնությունը:

Պատարագիչ Վեհափառ Հայրապետը նույն հանդիսությամբ առաջնորդվում է Վեհաբան:

Ուխտավորների բազմությունը մինչև ուշ գիշեր մնում է վանքի շրջափակում և ապա բաժանվում է՝ օրվա խոհերով և հայրապետական սուրբ պատարագով հոգեպես մխիթարված:

